

ایران ۽ بلوچ راجدوستی

جینند ساجدی

رجانک: البرز بلوچ

راج ۽ راجی زاننکار سیٹن واٹسن راج ۽ سائنسی ۽ پوکاری بزانت ۽ بارو ۽ نبشته کنت کہ، "بازرند ۽ راج ۽ راجی زاننکاراں راج ۽ یک سائنسی بزانت (Definition) یے ۽ سر ۽ تپاک کنگ ۽ کوشت کنگ ۽ هر وهد ۽ بے سوب بیگ انت، همے سوب ۽ هر راج وتی جتائیں نکتہ آنی بنیات ۽ وتی راجی پجار ۽ جوڑ کنت۔ لہتے راج همے واستہ یک راجے بیگ ۽ ٹاپار (دعویٰ) ۽ کنت کہ آھانی زبان یک انت، لہتے راج مزہب ۽ بنیات ۽ وتی راجی پجار ۽ گیشینیت، همے ڈول ۽ لہتے راج یکیں زمین ۽ یکیں استانے ۽ بیگ ۽ سوب ۽ وتا یک راجے لیک ایت۔ آدی متر ۽ نبشته کنت کہ من اے گواچن ۽ زانگ ۽ پداے جاہ ۽ سر آل کہ راج ۽ یک سائنسی بزانتے نیست۔"

راجدوستی ۽ زاننکار برناڈ اینڈرسن راج ۽ بارو ۽ نبشته کنت راج یک و تجوڑیں (فرضی) ۽ھیالی شے یے کہ ایسی ۽ گیشتر سیاسی گل پہ وتی کسد ۽ ہاتر ۽ کار مرز کن انت۔ پمیشکا آئی ۽ راجاں یکھیالی سیاسی ٹولی ۽ نام داتنگ۔

جارج وائٹ نامیں دگہ یک زاننکارے راج ۽ بارو ۽ همےھیالانی بنیات ۽ نبشته کنت کہ گیشتر راجاں پہ وتی راجی پجار ۽ رکننگ ۽ ہاتر ۽ زبان ۽ مزہب کار مرز کنگ۔ فرانسیسی راجی پجار ۽ جوڑ دیگ ۽ زبان ۽ یک مز نہیں کردے بیگ، وهدیکہ فرانسیسی راجدوستاں مار ات کہ آھانی فرنج زبان ۽ سر ۽ باز کار نہ بیگ ۽ آھتر ۽ تہ ۽ انت گڑا آھاں وتی راجی پجار ۽ گار بوگ ۽ ٹرس ۽ وتی زبان زرت ۽ آئی ۽ سر ۽ کارکت همے سوب ۽ آیک جتائیں راجی پجارے ۽ جوڑ دیگ ۽ سو بین بیت انت، جارج وائٹ ۽ دی متر ۽ نبشته کنت کہ الم نہ انت کہ زبان ہرج وهد ۽ راجی پجار ۽ جوڑ کنگ ۽ سو بین بہ بیت۔ ایسی ۽ درور گو سگئیں یو گو سلاویہ ۽ دروشم ۽ مے ۽ دیم ۽ انت۔

گوٹنگیں یوگوسلاویہ، سربین (Serbian) اور کروشین (Croatian) دو مزین راج ات انت، ہر دو میں راجاں یکیں
 زبان گپ جنگ بلے کروشین راجدوستاں وتی یک جتا میں پچارے جوڑ دیگ و استہ مزہب کارمرزکنگ، کروشین عیسائی دین و تہ و
 کیتھولک بیتگ انت و سیر بین گیشتر پروٹسٹنٹ بیتگ انت۔ ہمے ڈول و آرش راجی جنز کہ یورپ و تہ و مستریں جنز منگ بیت گیشتر
 کیتھولک فرقہ و گوں سیادی دانتگے و آیاں کیتھولزم و بنیات و تاجہ انگریزاں جتاکت و جتا میں ملکے جوڑکنگ و سو بین بیت انت۔
 جارج وائٹ و میتر و گوٹیت کہ الم نہ انت کہ مزہب اوں یک سیاسی گل یاٹولی و پچار دیگ و سو بین بہ بیت، الیٹی و درور ترکی و
 عراق و تہ و کرد راجدوستی انت۔ کردانی ڈول و عراق و ترکی و گوٹنگیں ہاکم سٹی بیتگ انت بلے یک دین بوگ و ابید ہم کرداں وتی
 زبان و گوستانک و بنیات و جتا میں پچارے جوڑکنگ۔

مزہبی راجدوستی و کارڈ پاکستان و ہم باز بہ سوب بیتگ، الیٹی و مستریں درور 1971 و و بگلہ دیش و زبان و سر و وتی آجوتی و
 گرگ انت۔

قائد اعظم شاہد ربر جاہ و سیادی داروکیں پروفیسر سلمان شفیع شیخ نبشتہ کنت کہ پاکستان و تہ و اگاں بلوچ راجدوستی و بہ
 چارے گڑاگندے کہ راج و راجدوستی و دنیا و تہ و اے یک جتا میں بستارے داریت، نہ بلوچ تہنا یک زبانے و گپ جنت و نیکہ یک
 فرقہ یے و منوگر انت۔ بلوچ بازیں ہندی زبان (کیتھانی و دیہواری) و ہوار دو مزین بنجاہی زبان (بلوچی و براہوئی) و گپ جن
 انت۔ ایٹانی تہ و گیشتر سنی فرقہ و منوگر انت بلے مکران و بازیں دمگاں، لسبیلہ و تیابد پی ہنداں، کراچی و جھالاون و لہتے دمگاں بازیں
 کساے و زگری فرقہ و منوگر انت بلے یک زبان و یکیں فرقہ یے و نہ بوگ و ابید ہم رودراتکی بلوچستان (پاکستانی زور گپتیں
 بلوچستان) و بلوچ راجی جنز یک مز و ہمیں جنزے منگ بیت۔

بازیں بلوچ راجدوستاں زبان و مزہب ڈالچارکنگ انت و یکیں بلوچ گوستانک، یکیں زمین و یکیں دود و ریدگ و بلوچ راجی

پجاء جوڑ دیگء کارمرزکنگ۔

اے درگتء سیٹن واٹسن وتی کتابء تہء نبشتہ کنٹ کہ گیشتر راجدوست راجء بزانتء گیشینگء اے کوشت کن آنت کہ آیک انچیں بزانتے بہ دینت کہ آوتی دژمنیں راجء یک ونگڈء ریں راجے بہ منارین آنت۔ پہ درور جوزف اسٹالن ء وتی کتاب، "قوم اور قومیت" ء اے گپ نبشتہ کنگ کہ راجء جوڑ دیگء چار شئے آنی بوگ المی انت کہ ایشانی تہء یک هوریں زبانه، هوریں زینے، هوریں روزگار ء هوریں سوچ هوار آنت۔ آئیء هسابء اگاں یک راجے ء تہء اے چاریں شئے مہ بنت آرا جے ء گنگ ء لائک نہ انت۔

اے درگتء سیٹن واٹسن نبشتہ کنٹ کہ اسٹالن ء وتی سیاسی نپ چار انگ آنت ء راجء یک بزانتے گیشینگ۔ آئیء پہ زانت راجء جوڈشت ء شئے آنی تہء مزہب ء نام مان نہ کنگ، آئیء سوب ایش بیگ کہ جوزف اسٹالن یہودی راجی جنزءء دیمپان بیگ ء آئیء اے منارینگ ء کوشت کنگ کہ یہودی یک و تریں (جعلی) راجے چے ء کہ یہودی وتی پجاء مزہب ء بنیات ء جوڑ کن آنت۔

انگریزانی دورء بر صغیر ء بلوچستان نوک آباتی (نوآبادکاری) ء شکار بیت، ادء اوں انگریزاں وتی سیاسی مکسدء هاترء بلوچ ء بر صغیرء مسلمانانی باروء کتاب نبشتہ کنگ۔ گیشتر کہ زور گیریں تاگتانی نبشتہ کار ایرد ستیں راجانی باروء نبشتہ کن آنت گڑا آیانی مکسد علمی نہ بیت بگندے سیاسی بیت، گیشتر وهدء هے زور گیریں نبشتہ کار ایرد ستیں راجاں وتی وڑء راجی پجار دینت۔ کانگریس ء ہندوستانی راجء نزور کنگ ء واستہ انگریزاں ہندوء مسلمان دو جتائیں راج گوشت انت۔ گیشتر مطالعہ پاکستان ء زانوگر هے نوآباتکاریں نبشتہ کارانی حوالہ آں کارمرزکن آنت۔ اسٹالن ء ڈول ء انگریزانی مکسد اوں ہمیش ات کہ کانگریس ء ہندوستانی راجدوستی ء رڈ بہ متارین انت۔

اے درگت ء آ باز جاہء سو بین ہم بیگ آنت۔ ہندوستان ء دو مز میں زبان ہندی ء اردو آنت کہ اے وت ماں وت انچوزیک آنت کہ ایش دو جتائیں زبان ء بستار دیگ نہ بنت ء اے دو میں زباناں گپ جنوکیں مردم ارزانی ء گوں یکے دو می ء گپ ء تران کت کن آنت

بلے ھیکھی ۽ ھبر ایش انت کہ انگریزانی داتگلیں پجاراے دمگاں گیشتر زیرگ بیگ کہ اودء اردو ۽ ہندی زبان گپ کنوک گیشتر بیگ انت (اتر پردیش، بہار، دہلی) ھے ڈول ۽ پنجابی ھم مزہب ۽ نام ۽ سرء انگریزاں بہر ۽ بانگ کت انت، چونانہا پنجابی اوں یک ھوریں زبان ۽ سیمسرے ۽ واھدات انت۔ پنجابیانی سرء انگریزانی بکشا تگلیں پجارا ۽ انجیں سان کپت انت کہ وت ماں وت بہر ۽ بانگ بوگ ۽ وھد ۽ سکھ ۽ مسلمانیں پنجابیانی وت ماں وتی جنگ ۽ دہ لک پنجابی مرت۔ ابید چہ بر صغیر ۽ انگریزاں میانی رودرتک ۽ عرب راجدوستی ۽ کارڈ کار مرزکنگ۔ اولی جہانی جنگ ۽ پیسر عرب دنیا ۽ سرء سلطنت عثمانیہ ۽ دروشم ۽ ترکانی ھاکی بیگ۔ یکلار نس نایں انگریز جاسوسے کہ عرب امام ۽ شکل ۽ عربستان ۽ روت ۽ عرباں اے باور کنائینیت کہ مزہب ۽ بنیات ۽ راج جوڑ نہ بنت بگندے راج یکیں زبان ۽ یکیں نسلے ۽ بنیات ۽ جوڑ بنت چوشکہ عربانی نسل ۽ زبان چہ ترکاں جتا انت ۽ ھے حساب ۽ سلطنت عثمانیہ ۽ عربانی بستار یک گلامے بیگ انت۔ ایشی ۽ سوب ۽ اولی جہانی جنگ ۽ وھد ۽ عرب انگریزانی گوماھوار بیت انت ۽ سلطنت عثمانیہ باز ٹکرانی تہ بہر بیت۔

بلوچستان ۽ تہ ۽ انگریزاں بلوچ راجی پجارا ۽ ایر جنگ ۽ ہاتر ۽ باز کوششت گت، آیاں بلوچ زبان ۽ بنیات ۽ بہر ۽ بانگ کنگ ۽ کوششت گت۔ پروفیسر غلام فاروق بلوچ ۽ حساب ۽ محمود غزنوی ۽ درباری زانتکار فردوسی ۽ بلوچستان ۽ تر ۽ گردنگ ۽ بلوچ ۽ بارو ۽ وتی کتاب شاہ نامہ فردوسی ۽ آسانی نام گپتنگ بلے لبز بر اھوئی ۽ بارو ۽ ھچ نبشتہ نہ کنگ یے۔ انگریز چہ فردوسی ۽ 800 ۽ سال ۽ رند بلوچستان ۽ اتک انت ۽ اولی رند ۽ لبز بر اھوئی کار مرزکت ۽ اے باور کنائینگ ۽ کوششت کت ایش کہ اے جتاں راجے ۽ بر اھوئی زبان بید ۽ مٹانک ۽ پولکاری ۽ دراوڑی زبان ۽ گوں ھوار کنگ بوت، چونانہا بر اھوئی زبان جھالاوان ۽ رکشان نیمگ ۽ جتاں دمگاں چہ کرناں گردی زبانے گوٹنگ بیت۔ میاں روکپتی ۽ بر صغیر ۽ حساب ۽ انگریز نبشتہ کارانی نبشتانک ۽ پندلانی سان بلوچستان ۽ سرء نہ کپت انت، عنایت اللہ بلوچ وتی کتاب ۽ تہ ۽ نبشتہ کنت کہ وھدے کہ قلات استان ۽ یازدہ اگست ۽ وتی سرجمیں آجوتی ۽ جارجت گڈا آئی ۽ دو ایوان ات انت ۽ دوئیں ایواناں گیشتر بر اھوئی زبان ۽ گپ جنوکیں بلوچ ات انت بلے اشی ۽ ابید اوں بگیر گپ ۽ تران ۽ بلوچی زبان استان ۽ راجی زبان

منگ بیت۔ ہمے وڑے انگریزے بکشا تگیں پچارے براہوئی زبان ء گپ جنوکیں بلوچانی سرء چھ سمانے نہ کپت۔ باز وھدء راج وت ء چہ
 زور گیریں استانی زوریں پچارے ر کینگ ء ہاترے اے کوشت ء کن انت کہ آوتا گیشن من اتگیں راجی پچارے ء گوں نزدیک بہ کن انت ء
 ہائی ء بہ زیر انت۔ پے درورچہ دو قومی نظریہ ء رگ ء واستہ بلوچ زانکاراں اے منانک (منطق) داتنگ کہ مزہب ء نام ء سرء راج جوڑ
 نہ بنت ء وت ء چہ استانی پچارے ر کینگ ء واستہ سیکولرزم ء لیکہ زرتنگ۔ بلوچ زانکار جان محمد دشتی اے بارو ء نبشتہ کنت کہ، "بلوچ شریں
 مسلمان انت بلے آمزہب ء بنیات ء بھ وتی راجی پچارے کر بانی ء نہ دینت ء یک ونگڈیں مسلمان راجے ء بہر نہ بنت۔" چوشکہ رودراتکی
 بلوچستان ء بلوچ راھشوناں یکیں گوستانک، یکیں زمین، یکیں دود ء ر بیدگ ء سیکولرزم ء بنیات ء وتی راجی پچارے ر کینگ، دومی نیمگ ء
 رو کپتی بلوچستان (ایران زور کپتگیں بلوچستان) ء بلوچاں یک جتائیں ڈولے ء وتی راجی پچارے دیسپانی کنگ، ایران چوشکہ بازیں راجانی
 ہواریں ملکے، کہ اود ء جتائیں راج چہ مند انت، ایران ء استانی زانکاراں ایرانی راجی پچارے جوڑ دیگ ء واستہ شیعہ فرقہ کار مرز کنگ
 چیا کہ ایران ء گیشتر آباتی ہمے فرقہ ء گوں سیادی داریت بلے اود ء بلوچ ء کرد کتریں کچے ء بستارے سنی فرقہ ء منوگر انت ہمے واستہ بلوچ
 راھشوناں چہ بلوچاں ایرانی مین اسٹریم ہو ء گار بیگ ء ر کینگ۔ وتی جتائیں راجی پچارے بر جم دارگ ء واستہ مز نہیں کر بانی یے داتنگ،
 آوتی زمین ء سرء چہ مز نہیں اگد ہاں ز بہر انت چیا کہ ایران ء دستور ء تہ ء اے نبشتہ انت کہ کجام اول مز نہیں اگدہ یے ء سرء آگ ء
 ہاترے شیعہ فرقہ ء گوں سیادی دارگ الی انت۔ ہمے ناروائیں روشنت ء سوب ء ایران جتائیں وھدء بلوچ راجی گھگیری آنی دیسپان بیٹگ،
 اے وھدء ایرانی سرکار ء بلوچ لس مہلوک ء میان ء زاہدان ء ایندگہ شہراں جنگ بر جاہ انت، ایشی ء سوب ء 60 ء گیشن بلوچ ء بازیں
 ایرانی سرکار ء اگدادار کشگ بیٹگ، ء اے زرمبش ء دارگ ء واستہ ایرانی سرکار ء ایش ترز کار (جنگ ء کشگ) ء زوراک استانی
 بیکاری (ریاستی دہشتگردی) یے زانگ بیت بلے رودراتکی بلوچستان ء راجدوستیں پارٹی ء نودربرگلاں استان ء اے زوراک ء سرء
 (مجرمانہ) بے تواری یے داشنگ ء چھ زہر شانی گندگ آہگ ء نہ انت۔ بازیں مردم چاگردی رسائند ر ء وتی اکاؤنٹاں وتی (مجرمانہ)

ھاموشی ءِ پُشت ءِ اے گپ ءِ ہم کنگ ءِ انت کہ رو کپیتی بلوچستان ءِ برجھیں اے زرمیش بلوچ راجدوستی ءِ نام سرءِ بوگ ءِ نہ انت
بگندے مزہبی انتہا پسندی ءِ سوب ءِ بوگ ءِ انت، چوشکہ اے مردم اے گپاں وتی کم اگلی ءِ سوب ءِ کنگ ءِ انت ءِ ایش ھے سرپد بنت کہ
راجدوستی تہنا زمین ءِ دود ءِ ریدگ ءِ گوں بندوک انت ءِ آئی ءِ تہ ءِ مزہب ءِ ھچ کر دے نیست، چونھا گوستانک اے شاہد ءِ دنت کہ
دنیاء تہ ءِ بازیں راجی بجز مزہب ءِ بنیات ءِ بجز اتگ انت۔ آھانی اے گپ کہ رو کپیتی بلوچستان ءِ بلوچ راجدوستی ءِ جنگ بوگ ءِ نہ انت
بگندے اے مزہبی جنگے، اے گپ رو کپیتی بلوچستان ءِ دود ایں بلوچ مہلوک ءِ کر بانیاں بے شری انت۔

چہ رو کپیتی بلوچستان ءِ سیادی داروکیں راھشون مالک ریکی ءِ وھدے یک یورپی اھواکارے ءِ جست گپت کہ آیا تو مزہبی
انتہا پسندے؟ گڈا آئی درائینت، "من ھچ وڑیک انتہا پسندے نہ آں، مزہبی انتہا پسند ایرانی سرکار انت، من کدی اوں اے نہ
گوشتگ کہ یک شیعہ یے مزہبی اگدہ یے سرءِ اتک نہ کنت بگندے اے ایرانی سرکار انت کہ گوشتیت یک سنی یے مزہبی اگدہ
یے سرءِ اتک نہ کنت، من مزہبی انتہا پسندیں جنگولے نہ آں بگندے من آھانی ھلاپ ءِ گھگیری کنگ ءِ آں، ءِ مزہبی انتہا
پسندی ءِ ھلاپ ءِ گھگیری کنگ مزہبی انتہا پسندی یے نہ یے۔"